

DEO OPTIMO MAX.
UNI ET TRINO,

VIRGINI DEI - PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
manè discutienda in Scholis Medicorum, die Jovis decimā-
sextā mensis Januarii, anno Domini M.DCC.XLIV.

M. GUILLELMO DE MAGNY, Doctore
Medico, Præside.

An Sperma Ceti Narcoticis sociatum, remedium in Pleuritide præstantissimum?

I.



APIENS Medicus, qui sedulus Naturæ Minister, ita vestigiis infistit, ut in devios calles non deflectat, ita legibus ejus morem gerit ut opinionibus nec suis nec alienis sese addicat. Usque memor Naturam morborum medicatricem esse, quod vergit, eò illico se convertit, nec citius timide subsistit, nec ulterius temerè progreditur. Si quid gravius illam opprimat, gnaviter onere levat; si quid lædar asperius, appositò levamine, solatur: ubique fidelem navans operam, ut ea suum opus alacriter exequi pergat. In omnibus morbis, maximè in acutis id munus obire satagit. Inter acutos nullus frequentior aut ferè formidolosior quàm Pleuritis est. Sæpius longè latèque grassata symptomatum vehementia quæ malignitas dicitur, multoque magis intempestivâ curatione, funestas strages edit. Mirum est quàm varia à variis in eâ curandâ proponantur. Alii venæ sectionem ita adamant, ut vix quidquam aliud admittere velint; alii ita oderunt, ut omninò respuant; Alii vacuantiæ æquo maturiùs adhibent; alii ne suo quidè temporè adhibere audent. Quidam in calefacientibus; quidam in refrigerantibus spem omnem reponunt: nonnulli quædam antipleuritica (ut vocant) omnibus obrudunt. Quùm autem hæc omnia potiùs cujusslibet ingenio, quàm genio morbi, accommodata sunt, ferè semper Naturam, ab incepto opere, avocant. At Medicus ille qui molimina hujus accuratè explorat, in coquendis digerendisque iis quæ mox excernit occupatam intuens, id agit ut coctionem digestionemque promoveat. Lentâ igitur festinatione, obvia removet impedimenta, adjumenta admovet; ea quæ solidorum contractiones spasmodicas ita relaxent, humorum coagulationes ita dissolvant, ut victrix Natura materiam hostilem subigat ac per patentes vias eliminet.

I I.

PLEURITIDEM, inflammationem esse plevræ partiùmque vicinarum nemo inficiatur, huic igitur totam plevræ, quacumque se explicat totumque mediastinum obnoxia esse patet; hinc partem anteriorem aut posteriorem, dextram aut sinistram, superiorem aut inferiorem æquè obsidere potest, sed in locis lateralibus sæpius suam tyrannidem exercet. Si membranam ipsam costas internè succingentem occupet, tunc vera Pleuritis; si intercostales musculos & partes exterius positas, spuria nuncupatur. Quoties sputa prodeunt, humida; quando verò non apparent, sicca dicitur. Verùm cujuscumque sit indolis, quamlibet partem invadat à solidorum contractione spasmodicâ & humorum coagulatione immediate pendet. Quoties enim sanguis viscosus, densus per intercostales tubulos spasticè contractos adigitur, tùm ibi concrevit, magis sit obstructio, stagnantium fermentatio, inflammatio. Si symptomata indè nascentia perpendas, rem ita se habere facile intelliges; quid enim febris acuta, dolor punctorius, tussis perpetua, respiratio difficilis, sputum cruentum, pulsus durus & serratilis significant? nisi hu-

mores esse coactos impactosque in vasis affectæ partis ita contractis crispatisque, ut thoracis totiusque corporis functiones pervertantur. Procatacæticæ causas contemplantur; id luculenter patebit. Præcipuæ & frequentiores sunt crapula; & liquorum ardentium abusus; ær frigidus in nudatum pectus quod prius æstuabat; haustus gelidus subito ingestus dum corpus sudore maderet; aquilones gelidissimi hyberno tempore fluentes; quo pacto hæ causæ vim suam exerent? nempe confringendo & coagulando. Idem censeas de cruditatibus in primis viis, de menstruorum aut hemorrhoidorum materiâ in pectus abreptâ: idem de metastasi cujuslibet humoris, morbidâ prius alicubi stagnantis atque hûc casu depositâ. Inde patet cur in siccis exercitatis, robustis, rusticis quorum sanguis compactus est & fibra rigida, Pleuritis frequentior sit & ferè lethalis; rarior verò & minùs funesta in iis quorum sanguis dilutus est & fibra mollior: cur cruor emissus, in superficie, pelliculam viscidam & albicantem constanter habeat atque in Pleuriticorum cadaveribus polyposæ concretionis reperiantur. Si quis igitur Medicus in promptu habeat quidpiam quod contractiones spasmodicas tollat & coagulationes dissolvat, is Pleuritidi felicissimè medebitur.

I I I.

SIMUL atque tam gravis morbus aliquem invasit, venæ sectionem Medici imperant, nec immeritò, utilissima quidem est, vasa nimîa mole turgentia exonerat, liquidisque viam faciliorem expedit: at subsidia majora & efficaciora adhuc requiruntur. Ex iis præstantissimum esse Sperma Ceti non inficiabitur quisquis ejus virtutes apprimè noverit. Substantia est pinguis & oleosa ad nos advecta sub formâ fragminum ceræ albæ, pellucida, tactu levissima, oriunda ex cerebro cujusdam Ceti. Hæc massa primum pinguisima ac putridissima ad Portum Sancti Sebastiani transportata, ibi in aquâ maris frigida pluries lota, repetitis postea ebullitionibus tandem dealbatur: nã ille erraret qui fingeret animo Sperma Ceti esse iners effatum oblinendis partibus, duntaxat idoneum. Si id attentius expendiderit, principia summæ energię continere, intelliget; nec quidquam aliud forsitan tantam cum semine animantium similitudinem habere: quemadmodum hoc, licet spissum & glutinosum spiritibus turget qui materiam expandant, calefaciant, & fecundent; sic illud, licet primâ fronte crassius & viscosius, recondit in sinu suo particulas vividas, elasticas, volatiles quæ vi caloris intra corpus expansæ ut totidem cunei succis condensatis occurrendo, eorum interstitiis sese insinuant; minutissimas quasque moleculas à cohæsione mutuâ extricant, suo motu agitant, volvunt, propellunt: eadem operâ sanguinem ac lympham fluidiorem efficiunt; tuncque hujus purissimæ & tenuissimæ partes in substantiam cerebri corticalem transmissæ, spiritus animales renovant atque excitant. Hi igitur uberiore copiâ quacumque influentes sanguinis calorem atque impetum augent, præcipiti cursu, in minima vasa irruens quidquid ibi hæret, abstergit secumque abripit. Non eadem facilitate alia (sic enim vocant) resolutiva eosdem effectus producit. Habent quidem partes volatiles, sed salinas, graves, asperas succis nostris ægrè miscibiles quæ vel humores coagulatos incassum arietant ac densant magis: vel, inæqualiter discerpendo, grumos avulsos hinc inde in tenuissimos corporis meatus protrudunt, ibique novas obstructions pariunt. At Spermaris Ceti particula levissima succis humanis congenere accessum atque ingressum facilem habent in grumorum quorumque intima: illque sic sese interponendo eos dividunt. Non igitur ineptè dixeris illud menstruum esse sanguini & lymphæ proprium, quòd utriusque globulos affinitate quâdam sibi jungit atque ab omnibus quæ illos irretiebant, expedit. Nèquæ verò id temerè dictum existimo. Hoc confirmat optimorum Medicorum autoritas qui quoties sanguis alicubi subsistit extravasatus & coagulatus ad eum resolvendum & discutiendum Sperma Ceti præscripserit: hinc præcipiat ab alto ruptis, contusis, fractis, post venæ sectionem, tanto cum fructu, semper exhibitum fuit atque etiam nunc exhibetur; verum in acutis non satis est succis condensatis in motum ciere: fibras spasmodicè contractas quæ nihilominus illos compingerent, nec elabi sinerent, laxare omninò necesse est. Tum Sperma Ceti Narcotico alicui socia, stupebis quàm facile munus utrumque exequatur.

Quot & quoties infarctus, stases inflammatorias, abscessus jamjam imminentes in cerebello, hepate, utero: quot etiam gangrenas, variis in locis, tali ope, defuisse vidimus? Quia nempe subito laxando vasa spasticè contracta, in his contenta liquando, partibus affectis functionum integritatem restituit. Si verò tantam in dissitis locis relaxandi & liquefaciendi vim exerceat, in propioribus quales sunt partes pectoris, multò majorem exercet. Hinc in tussi, hæmoptysi, phthisi, asthma- te ac peripneumoniâ utrumque peragendo ita juvat, ut nihil efficacius ac præsen- tius inveniri posse videtur; quidni igitur idem in Pleuritide præstaret? Præstat quidem semper & efficacissimè, modò eo ordine ac tempore præscribatur, ut nihil illud impediatur aut inficiatur.

I V.

QUO certius Sperma Ceti vim suam exerat, hoc in oleoso menstruo v. g. in oleo amygdalarum dulcium aut alio quovis dissolvendum est; huic solutioni si dia- codii congruum dosim & bechici alicujus liquoris addideris, certissimam in Pleu- ritide inveneris medelam. * At cave talem mixturam partitis vicibus seu cochlearim ut aiunt inter juscula aliasque sorbitiones, exhibeas. Sic enim, pleno fermentesci- bilibus succis ventriculo, immersa moratur; corrumpitur; status, nausæ spasmos præcordiorum creat. Ut hæc incommoda vites, quæ sunt medenti non medica- mento tribuenda, oporâtisque illius effectus consequaris, paucis accipe. Sub ves- peram (tempus enim opportunius) sanguis è brachio mittatur, impera; mox, jus- culi loco quod post venæ sectionem exhiberi solet, mixtura calida ægro propi- netur, modo nihil à quinque horis deglutiverit; post quinque horas eodem mo- do detur altera, ita ut nisi post quinque horas, etiam urgente siti, sorbeat. Sic vacuo stomacho & dudum aliquid appetente illabens avidè accipitur; sine impe- dimentis, sine tumultu digeritur; lente sed facile, sine miscelâ alienâ per vias lac- teas pertransit; inde in massam sanguinis recepta particulas volatiles jam in mo- tum actas exsolutales diffundit quæ in pulmonibus & vicinis membranis, quos- cumque humores lentescentes & coagulatos undequaque penetrant ac permeant: spi- ritus inibi ferè oppressos suscitando, iisque, sua homogeneitate, se jungendo gemina- tis viribus penitus evolvunt atque attenuant. Illius, eodem tempore, ramosæ & mulcentes partes sales effectus obtundendo, sulphura acriora irriteriando, membra- nas crispatas, vasa rigida & tensa contactu molli sic leniunt & laxant ut flexibi- litatem atque elaterem recuperent, liberè oscillent, humorum moleculas jam mea- biles terant & comminuant. Itaque in massam per canaliculos apertos, hi sensim & innoxie remeant, atque ad sua singuli secretoria deducuntur. Dubitas ea tam facile contingere posse? Postridie invilas ægrum, omnium symptomatum cessatio dubitationem tuam eximet. Miraberis dolorem loci affecti sedatum, placatam tuf- sim, sputa prodire copiosa, juvantia respirationem, faciliorem redditentia, urinam profluere cum laudabili sedimento; madorem toto corpore æqualem perfundi; de- nique necdum elapsis sexdecim horis, materias spissas, glutinosas, biliosas quales conferunt magnâ copiâ per alvum ejici. Qui, amabo, tot urgentia symptomata cessarent? Qui prius stricta excretoria reserarent nisi sublata fuissent solidorum spasmodicæ contractiones? Qui fierent undique excretiones, quales à nullâ aliâ methodo expectandæ, coctionis indicia habentes, febrem aliâque si supersint symp- tomata fugantes, nisi humorum coagulationes fuissent dissolutæ? At, inquires, re- deunt symptomata. Quid mirum! Nostine specificum illud inter optima, quod sumptum semel totum morbum sanaverit? Redeunt, esto: sed pauciora; sed mi- tiora; sed, si eadem eodem ordine repetas facile compescenda. Tam egregio in opere symbolum conferunt, ex emollientibus enemata à primo morbi insultu, quotidie sæpius injecta. Hæc irrigando lubricata jam oleoso anodynus intestina, à tensionibus & stricturis vindicant, in eorum vasis sanguinem ebullientem restin- gunt; bilem acerrimam eluunt, temperant, hancque vitiosorum humorum, huc è

* Hac ratione mixturam hanc familiare est nobis usurpare.

℞. Aq. card. benedict. buglos. borrag. ana ℥ j. ss, les calciant singulas balneo maris ferventissimo ac probe
Spermat. Ceti ℥ j olei amygdalarum dulce ℥ ij. Syrupi dia-
cod. ℥ ss, aq. naph. ℥ ij. Divide in duas doses æqua-
concutiantur in ipsâ phialâ, priusquam propinequant.

sanguine facilius appellentium expurgant illuviem : sic nec horum in viscera decubitum, nec diuturniorem in sanguine aut primis viis moram, nec hypochondriorum phlogosim & metheorismum pertimesces. Sic vacuantibus, quæ prius obfuisse, utilissimè auferes morbi reliquias : concocta enim, non cruda, medicaberis. Ergo gravissimus morbus, medelæ tam facili ac parabili cedit? Ita profecto. Vidimus semper cedere, videre quoque sæpius doctissimi viri, nec minus facili quam acutos morbos spasmodicos, vulgaribus oleo anodynis cedere omnes norunt. Si hæc, vulgari licet methodo & sine nostris cautelis, exhibita in plerisque quales sunt nephritici, hepatici, colici ita juvare naturam videas ut brevi lese expediat : nonne eandem opem afferet mixtura propoita ob præparationes & cautiones prædictas illis efficacior? Id suadet ratio atque experientia diuturna confirmat.

V.

FELIX æger qui à morbo adeo periculoso sic liberatur ut nec ejus pericula nec variorum medicamentorum incommoda & fastidia senserit : tunc quippe nec sanguine nec lymphâ exhaustum brevi confirmatum recreatumque videre est. Verum secus se res habet si ea fuerint exhibita quæ, naturæ vim inferendo, motus ejus perturbant, eamque non sponte suâ sed artificio alieno, agere cogunt. Nempe talia sunt decocta quædam amaris, exsiccantibus succis turgida, pulveres viperini, sanguis hirci, variorum animalium stercorea, sulphurea, antimoniata, aliaque ejusmodi quæ antipleuritica celebrantur. Ingeruntur quidem ista ut materiam coagulata validius discutiant ac propellant. At quàm bellè respondeant mendentium votis, viderint ii ipsi qui ea præscribunt. Nonne partibus suis salinis, acerbis, sulphureis ac stimulantibus membranas pungunt & vellicant, spasmosque ac contractiones augent ac proinde vel materiam magis impingunt in visorum angustias, vel si ex loco suo exturbant, præcluso omni exitu, in pulmones, in cerebrum atque hepar compellunt. Nonne ut plurimum febrem accendant? Symptomata omnia exacerbant? Serum & lympham quæ coctionis materia fuisset, dissipant? Viscositatem inflammatoriam immeabilem atque irrefolubilem efficiunt? Sanguinem resolvunt in sales oleaque volatilia & acriora; unde stases, rupturæ vasorum, putredines, gangrenæ aliaque innumera quæ concipere quàm dicere, facilius est. Quò tum se convertet, quò verget natura? Qui, subacta ipsa materiam ita reluctantem subiget? Tanto in conflictu vel præcipiti fato succumbit vel tabescit aliis inde malis confictata. Non inficiandum est tamèn quibusdam ex illis pleuritidem aliquandò sanari. At quot inter pericula? Quot cautela ut eorum vis infringatur? Quanta sagacitas in pravis eorum effectibus corrigendis requiritur? Hinc, ad venæ sectiones, ad alia atque alia confugiant vel peritissimi Medici, in horas mutanda, quibus jam non morbo sed medicamento medeantur. Verùm sperma ceti in oleo amygdalarum dulcium expansum narcoticoque junctum, tutius, citius, jucundiusque quàm illa omnia rem gerit. Quidquid in pleura vicinisque locis spasmodicè contractum, quidquid concretum est, quidquid ab utraque causa pendet, sic placide laxat, sedat, solvit, sic quidquid naturæ obstat, removet, ut eâ infestam materiam coequentem forasque amandante, resolutio morbi que sanatio consequatur.

Ergo Sperma Ceti Narcoticis sociatum, remedium in Pleuritide præstantissimum,

DOMINI DOCTORES DISPUTATURI.

M. Theodorus Baron.

M. Leander Penget.

M. J.annes - Baptista - Thomas Martineq.

M. Andreas Cantwel, Regiæ societatis Londinensis socius.

M. Ludovicus-Alexander Vici-lard, Pharmacæ professor designatus.

M. Franciscus Pouffe.

M. Benjamin-Ludovicus de Lau-rymbers.

M. Ludovicus-Gustellus le Mon-nier, è Regiâ scientiarum Aca-demiâ.

M. Thomas-Bernardus Bermand.

Proponebat Parisiis LUDOVICUS-RENATUS MARTEAU, Parisinus, Doctor Medicus Cadomenis, Sorbonæ necnon Saluberrimæ Facultatis Parisiensis Baccalaureus, A. R. S. H. 1744, à sextâ ad meridiem.